

EUROPAKOMMISSIONEN
GENERALDIREKTORATET FOR MARITIME ANLIGGENDER OG FISKERI

INTERNATIONALE ANLIGGENDER OG MARKEDER
Bilaterale aftaler og fiskerikontrol i internationale farvande

Emanuel Rosing
Psiortaaneq
Namminersorlutik Oqartussat
Aalisarnermut, Piniarnermut Nunalerinermullu Pisortaarfik
Postboks 269
DK-3900 Nuuk
Kalaallit Nunaat

Sammissaq: FPA EU/Kalaallit Nunaat – kalaallit nunaanni aalisarneq pillugu inatsisissaq nutaaq pillugu tusarniaaneq

Kalaallit nunaanni aalisarneq pillugu inatsisissaq nutaaq pillugu tusarniaanermut tunngasumut allakkanut 18. juni 2010-meersumut innersuussillunga soqutiginnittutut tusarniaanerit qujassutigaaara.

Ilisimatitsissutigissavara missingersummut pineqartumut tunngatillugu kiffartuussakka annertunerusumik akerliliinngimmata. Taamaattorli siunnersuutigiumallugu immikkoortut ilai erseqqissarneqassasut, soorlu aamma nunat tamalaat angallataannut aamma nunat tamalaat isumaqatigiissutaannik immikkoortitsineq pinngitsoortinneqassasoq.

Oqaaseqaatit erseqqinnerusut ilanngussami nassaarineqarsinnaapput. Taamaattorli sammissaq aalajangersimasoq EU-mut immikkut soqutiginaateqartoq erseqqissarusuppara.

Soorlu nalunngikkat raajartassiissutit pillugit nuussisinnaaneq (ukiumiit ukiumut aamma kangianiit kitaanut) ulluni 24.-25. november 2009-mi aamma 15.-16. juni 2010-mi naligiititaalluni suleqatigiissitap ataatsimiinnerini isumaliutigineqarsimapput ataatsimiinnerniillu marluusunit imaqarnilianit akuerineqartunit aamma takuneqarsinnaalluni. Taamanikkut kalaallit aalisariutaannut periarfissaasumut EU-mi aalisariutinut raajartassiissutit pillugit ukiumiit ukiumut nuussisarnarup annertusineqarsinnaanera Kalaallit Nunaannit innersuussutigineqarsimavoq, tamannalu suleqatigiissitami aalisarneq pillugu inatsimmik suliaqartumi oqallisigineqarluni.

Raajarniarnermi ukiumiit ukiumut nuussisinnaaneq aalisarnermi pissutsit apeqqutaatillugit ukiup naanerani aalisariutit aalisarnermik ingerlatiinnarsinnaanerisigut imaluunniit unitsitsisinnaanerisigut raajarniarnermi pisariaqartumik akilersinnaassuseq annertoorujussuarmik annertusinneqassaaq, taamaalilluni ingerlataqartut aalisarnerminnik pilersaarusiornissamut pitsaanerulernissaanullu periarfissinneqarlutik. Peqatigisaanik uumassuseqarnikkut isumalluutinut tamanna artukkiissanngilaq, tassami raajaqassutsimiit annertussuseq taanna peerneqartussaammat.

Kalaallit Nunaata aamma EU-p akornanni aalisarnikkut peqatigiinnissamut isumaqatigiissutit atulersinnissaanut tunngavigineqartutut illuatungeriit aamma pisussaaffilerput aalisariutit assigiinngitsut akornanni, kalaallit nunaata aningaasarsiornikkut oqartussaaffigisaata iluani aalisartuni (isumaqatigiissummi

artikel3) kinaassusersiunnginnissamik tunngaveqarnerup atorneqarnissaa, tassa nunat allamiut aamma nunaqavissut. Nuussisinnaaneq aamma nunat tamalaat isumaqatigiissutaannut atuutsinneqartariaqarpoq.

Raajarniarnermi nuussisinnaaneq annerusumik Kalaallit Nunaata Kitaanut attuumassuteqarpoq. Tamannali aamma Tunumi periarfissaasariaqarpoq. Pisassiissutit isumalluutillu sunniuteqarluartumik aningaasaqarnikkullu illersorneqarsinnaasumik atorneqarneri illuatungeriit marluullutik soqutigisaraat.

Taamaattumik naatsorsuutigineqarpoq pisassiissutit nuussinnaanerinut tunngatillugu suleqatigiissitap, imm. 1-imi Illit allakkannut ilanngussami eqqaaneqartoq – 'Pisassiissutit nuussinnaanerinut tunngatillugu suleqatigiissitaq', aamma raajarniarnermi kalaallinut ingerlataqartunut piimasaqaatit atuuttut assigalugit aalisariutinut EU-meersunut qanoq nuussisoqalersinnaanersoq aamma isumaliutigineqassasoq. Malugineqarpoq ilanngussani taaneqartuni tamanna erseqqissumik allanneqarsimanngitsoq.

Aammattaaq aalisarnerup sunniuteqarnerusumik iluaqutigineqarnissaa siunertaralugu tunumut aamma kitaanut naleqqiullugu nuussisinnaanerup eqqunneqarneratigut kalaallit nunaanni aalisarneq pillugu inatsisip siunissami annertusineqarnera iluaqutaasussaassaaq.

Ikinngutinnersumik inuulluaqqusillunga

[underskrift]

Constantin ALEXANDROU
Kontorchef

[underskrift]

Ilanngussaq: 1

kalaallit nunaanni aalisarneq pillugu inatsisissamut nutaamut missingersummut oqaaseqaatit

Kap. 3, § 5, imm. 1

Tamanna isumaqarpa kalaallit nunaanni aalisarneq pillugu inatsit Kalaallit Nunaata aalisarnikkut killeqafiisa avataanni atuutissasoq? Taamaattoqassappat isumalluutinik atasinnaasumik nakkutilliineq naapertorlugu aamma kisimiilluni pisassiissutinik aalajangersaasarnerup pinngitsoortinnissaa siunertaralugu nunarsuup immikkoortuani aalisarnermik nakkutilliiffiit (assersuutigalugu NEAFC aamma NAFO) erseqqissumik salliutinneqartariaqarput. Taamaattoqanngippat § 5, imm. 2-p kingunerisussaassavaa nunat tamalaat aalisariutaannut immikkoortitsilerneq.

Kap. 3, § 5, imm. 1

Aalisakkat ataasiakkaat erseqqinnerusumik allanneqartariaqarput. Aalisakkanut sorlernut kalaallit nunaanni naalakkersuisut pisarineqarsinnaasut annertussusissaannik tamakkiisunik (TAC) aalajangersaasarnissaq siunniuppaat?

Kap. 3, § 5, imm. 1

Nakkutilliinermi pilersaarutaasinnaasunut imaluunniit ilisimatuussutsikkut siunnersuisarnerup ilanngunneqarnissaanut innersuussisoqanngilaq. Tamanna ilanngussinnaagukku qujamasussagaluarput.

Kap. 9, § 18

Kalaallit aalisariutaannut annertussutsimikkut killilerneqanngitsut akuersissutit § 5, imm.1 naapertorlugu nunaqavissut aamma nunat allamiut aalisariutaasa akornanni TAC-ip agguarnissaannut tamanna qanoq naapertuutsiginersoq ersernerluppoq. Aamma taamaappoq § 19, imm. 1 eqqarsaatigalugu, tassani taamaallaat § 18, imm. 1 aamma 2-mut innersuussisoqarmat.

Kap. 10, § 22

Nunat tamalaat isumaqatigiissutaannut innersuussinerit amigaataapput. 'Misileraalluni aalisarnerup' immikkut akuerisarnissaa kisimi eqqaaneqarpoq, kisiannimi isumaqatigiissutitigut pisussaaffiit allat / nunat tamalaat isumaqatigiissutaat pillugit immikkut akuersissarnissat qanoq ippat?

Kap. 11, § 24, imm. 2

Pisassiissutit annikinaarlugit iluaqutigineqarsimasut (imaluunniit iluaqutigineqanngitsoorsimasut) ukiup tullianut nuunneqarnissaannut aamma ukiup tulliani pisassiissutissat siusinaartumik aalisarnissaannut (ukiumut pisassiissutit tamakkerlugit aalisareerneqarnerisigut) paragraffi taanna periarfissiivoq. § 24, imm. 3 naapertorlugu nunanit tamalaaneersunit aalisariutit taamatut periarfissinneqanngillat. Nunanit tamalaaneersunit aalisariutit aamma akuersissutinik/pisassiissutinik tunineqarnermikkut nuussisinaanissaat noqqaassutigaarput (assersuutigalugu akuersissutit/pisassiissutit annikinaarlugit iluaqutigineqarsimasut akilerneqarsimasut ukiup tullianut nuunneqarsinnaanerat).

Kap. 13, § 26

Kap. 3, § 5, imm. 1 assigalugu nakkutilliinermi pilersaarutaasinnaasut imaluunniit ilisimatuussutsikkut siunnersuisarneq pillugu oqaaseqaatit assingi.

Kap. 14, § 27, imm. 1

Ilisimatusarneq: Pinngortitaleriffiup akuersissutaa inatsisitigut qanoq annertutigisumik pisussaaffiunersoq ersernerluppoq.

Kap. 14, § 27, imm. 4

Akuersissuteqarnermut piumasaaqatit erseqqissumik allanneqartariaqarput: assersuutigalugu nalunaarsukkanik paarlaasseqatigiinneq, ilisimatuussutsikkut paarlaasseqatigiinneq, ataatsimoorussamik paasiniaanerit, nunat tamalaat suleqatigiissitaasa akuutinneqarneri il.il.